



GRUNDVALLARREGLUR FYRIR FÉLAGSMENN HRFÍ

Gilda frá 21.04.2020

HUNDARÆKTARFÉLAG ÍSLANDS

1. Almennt

Félagsmanni í Hundaræktarfélagi Íslands (HRFÍ) ber að:

1. Umgangast og annast hunda og önnur dýr vel, á þann hátt sem HRFÍ og dýraverndunar- og heilbrigðisyfirvöld viðurkenna.
2. Koma ávallt þannig fram að það skaði ekki eða vinni á móti HRFÍ. Tjá sig hvorki meiðandi um félagið né félagsmenn.
3. Koma þannig fram í tengslum við sýningar, próf eða keppnir að það hafi ekki áhrif á tækifæri hunda annarra til að fá réttlátan dóm. Félagsmaður skal ekki tjá sig á meiðandi hátt um um hunda annarra, starfsmenn HRFÍ og/eða þátttakendur í viðburðum á vegum félagsins, hvort sem er í ræðu eða riti, á prenti eða á vefnum. Gildir þetta jafnt á viðburðum félagsins sem utan þeirra.
4. Leggja sig fram um að uppfylla skyldur sem fylgja því að halda hund og fara eftir reglum og ákvörðunum HRFÍ.
5. Hvorki styðja né taka þátt í þjálfun, prófum eða keppnum sem byggja á ógnun eða átökum hunds og manns (t.d. árásar- og/eða varnarþjálfun). Þessi regla gildir um starfsemi á Íslandi. Í undantekningartilvikum viðurkennir HRFÍ próf og keppnir á vegum erlendra hundaræktarféлага þar sem svokölluð varnarvinna er hluti viðburðar.

2. Ræktun

Félagsmanni í HRFÍ ber að:

1. Nota hunda af sömu tegund til ræktunar og einungis hunda sem eru ættbókarfærðir hjá HRFÍ eða öðru félagi sem HRFÍ viðurkennir ættbækur frá. Ræktun, kaup og sala á óættbókarfærðum hundum er bönnuð.
2. Stunda ræktun af alvöru og ábyrgð og láta í té réttar og nákvæmar upplýsingar um hunda sína og ræktunarstarf. Vera trúr ræktunarstefnu HRFÍ og vera vel að sér um það ræktunarmarkmið sem gildir fyrir viðkomandi kyn og ef því er að skipta, ákvæði varðandi vinnu- eða veiðipróf, sem í gildi eru fyrir það hundakyn sem hann ræktar.
3. Ávallt bera heilsu og vellíðan ræktunardýra og afkvæma þeirra fyrir brjósti. Nota aðeins til ræktunar hunda, sem eru bæði líkamlega og andlega heilbrigðir og hafa gott geðslag sem er einkennandi fyrir viðkomandi kyn. Ekki skyldi nota hund sem sýnir hegðunarbresti svo sem ýkt hræðsluviðbrögð eða árásarhegðun án tilefnis og við hversdaglegar aðstæður.
4. Fara eftir gildandi reglum um erfðasjúkdóma sem forðast þarf í ræktun sbr. reglur um skráningu í ættbók HRFÍ og forðast pörun dýra sem skv. fyrirbyggjandi upplýsingum gefa auknar líkur á alvarlegum sjúkdómi/fötun afkvæma. Ekki skyldi endurtaka pörun þar sem fæðst hafa hvolpar með alvarlegan galla. Ekki nota ræktunardýr sem haldin eru víkjandi arfgengum sjúkdómi og einungis nota bera fyrir víkjandi arfgengum sjúkdómum ef þeir eru paraðir við einstaklinga sem sannanlega bera ekki sama sjúkdóm, svo fremi það stangast ekki á við ræktunarmarkmið eða reglur félagsins.

5. Para ekki alsystkini, föður með dóttur eða móður með syni.
6. Sjá til þess að áður en hvolpur er afhentur, sé hann í umhverfi sem þjónar líkamlegum og andlegum þroska og að hann njóti viðeigandi umhverfisþjálfunar. Hvolpar eiga að vera hjá tík þar til þeir eru a.m.k. átta vikna gamlir.
7. Hvetja hvolpakaupendur til að fara með hunda sína í sýningardóm, auk viðeigandi vinnu- og veiðipróf hjá HRFÍ til að hægt sé að meta stöðu ræktunar hverju sinni.

3. Sala hunda, afhending og afsal

Félagsmanni í HRFÍ ber að:

1. Nota kaupsamning/afsal frá HRFÍ við sölu/afsal hunds.
2. Afhenda ættbók með seldum hundi eða staðfestingu á að búið sé að senda inn beiðni um ættbókarskráningu. Skal ættbókin þá afhendast kaupanda um leið og hún kemur frá HRFÍ. Ræktandi getur ekki krafist fullrar greiðslu fyrir hund fyrr en við afhendingu ættbókarskírteinis (staðfestingar) auk heilsufars- og bólusetningarvottorðs frá dýralækni.
3. Afhenda ekki hvolpa fyrr en þeir hafa náð a.m.k. 8 vikna aldri.
4. Láta ekki af hendi hvolp sem vitað er að haldinn er sjúkdómi eða galla án þess að þess sé getið í kaupsamningi.
5. Láta hvolpa aldrei til aðila sem stunda endursölu (milliliða) eða stunda sjálfur endursölu. Rækta ekki eða láta hunda sem nota á við dýrarannsóknir eða tilraunir. Láta ekki hunda til dýragarða, stofnana sem hafa dýr til sýnis og/eða aðila sem selja hunda í verslunum eða á mörkuðum.
6. Uppfylla eftir bestu getu skyldur og ábyrgð gagnvart hvolpakaupendum eins og segir í samningi HRFÍ. Láta hvolpa aðeins í hendur þeirra sem búa við viðundandi aðstæður og hafa þekkingu á eðli og uppeldi hunda, sem tryggja góða meðferð og stuðla að ábyrgu hundahaldi. Standa að baki nýjum hundeiganda með ráðleggingum og upplýsingum ef með þarf. Ennfremur fræða um eðli og eiginleika kynsins. Ganga úr skugga um að viðtakandi hvolpsins geri sér fulla grein fyrir gildandi reglum um hundahald. Veita réttar upplýsingar um ræktunina og breyta að öðru leyti í samræmi við lög og ákvarðanir Hundaræktarfélags Íslands og ræktunardeilda þess.

Stjórn Hundaræktarfélags Íslands er heimilt að gefa undanþágu frá ákvæðum í þessum grundvallarreglum.